



SAOPŠTENJE ZA MEDIJE

Djeca se ne smiju maltretirati tokom policijskog postupanja!

Sarajevo, 24.08.2023. godine

Ovih dana svjedočimo iskazu gospodina Juse Jusića, koji je istakao da je njegov 14-godišnji sin pretučen u policijskoj stanici Osmaci, od policijskih službenika Ministarstva unutrašnjih poslova Republike Srpske. Sprovođenje fizičkog nasilja prema svjedocima i osumnjičenim u fazi istrage je grubo kršenje zakonskih normi i etičkih kodeksa policijskog djelovanja, a pogotovo kada je riječ o saslušanju djece.

Svjedočenje djece je regulisano posebnim zakonom u našoj zemlji - Zakon o zaštiti i postupanju sa djecom i maloljetnicima u krivičnom postupku kojim se djeca nastoje maksimalno zaštititi od traume, narušavanja privatnosti i drugih negativnih posljedica na njihov razvoj i odrastanje. Postavlja se pitanje kako je moguće da je dijete od 14 godina ostalo samo u prostoriji s policijskim službenicima MUP-a RS, iako Zakon o zaštiti i postupanju sa djecom i maloljetnicima u krivičnom postupku Republike Srpske, između ostalog, navodi da se **djetetu priznanje ne iznudi silom, da ima pravo na pravnu pomoć advokata i pravo na prisustvo roditelja ili staraoa.**

S obzirom da je slučaj preuzelo Okružno javno tužilaštvo u Bijeljini, ovim putem ih pozivamo da ulože sve napore i profesionalna znanja kako bi se ovaj slučaj riješio u što skorijem roku i da se odgovorni za ovako gnusan čin adekvatno i zakonski sankcionišu, ako se navodi iz prijave pokažu tačnim. Ujedno, to bi možda donekle umirilo javnost, posebno imajući u vidu šire društvene okolnosti, te činjenicu da su profesionalne policijske strukture servis svih građana, bez obzira na sve njihove lične identitete.

S poštovanjem,


dr. sc. Denis Hadžović
predsjednik Centra za sigurnosne studije

